

宣統政紀弁言

自民國十七年清史稿刊成於是有清一代之事差可循覽然讀者猶病其漏略而別取資於東華錄研史之士渴於求知往往以不足爲病此爲勢所必然無足怪也蔣氏良騏始纂東華錄起天命訖雍正具六朝事王氏先謙既病其漏略爲之增輯又續纂至同治合稱十一朝東華錄朱氏壽朋復纂光緒東華續錄至是則所未能備者僅宣統一朝而已考東華錄之取材大抵出於實錄蔣氏王氏皆以久在史館乃得迻寫成書雖無組織潤色之功猶勝於清史稿之漏略其見寶於世人良有以也自太祖訖於穆宗十帝之實錄世有三本一貯燕京故宮一貯盛京崇謨閣皆爲原輯一貯吳興劉氏嘉業堂則自燕京故宮迻錄者也德宗實錄纂成於辛亥之後更進而續纂宣統政紀其體例壹依實錄三年之事略具祇以未經刊布外間莫由窺見民國十七年奉天擬修通志乃就清史館所存稿本悉爲

錄出合以崇謨閣之所貯則備有十二帝之實錄誠洋洋乎鉅觀也已往者清修明史忌諱頗多研史之士病其漏略轉而求於明實錄亦猶今人病清史稿之漏略而求之於東華錄也頃復有人倡刊清代實錄卷帙既繁一時不易觀成曷若先取宣統政紀刊之以配向刊之東華錄則有清歷朝之文物典章庶幾燦焉大備是實錄不刊而猶刊並有以慰研史者渴於求知之望豈非嘉惠士林之盛事也哉或謂政紀萃錄詔諭檔冊倉卒成書漏載仍多殊眇倫類且遵實錄之例不載交涉加以補輯乃可問世是又不然夫史籍之可貴惟在取材之多足以供人擷取至於組織潤色之工猶居其次宣統一朝之事世人苦無依據渴望成書久矣取原稿而先刊之有何不可並世方聞之彥病其漏略重爲增輯易名爲宣統東華錄一如王氏之於蔣氏是固同人之所喁望而此書亦其嚆矢也夫甲戌八月金

大清宣統政紀目錄

卷一

光緒三十四年十月

卷二

光緒三十四年十一月上

卷三

光緒三十四年十一月下

卷四

光緒三十四年十二月上

卷五

光緒三十四年十二月下

卷六

宣統元年正月

卷七

宣統元年二月

卷八

宣統元年閏二月

卷九

宣統元年三月

卷十

宣統元年四月

卷十一

宣統元年五月

卷十二

宣統元年六月

卷十三

宣統元年七月

卷十四

宣統元年八月

卷十五

宣統元年九月

卷十六

宣統元年十月

卷十七

宣統元年十一月

卷十八

宣統元年十二月

卷十九

宣統二年正月

卷二十

宣統二年二月

卷二十一

宣統二年三月

卷二十二

宣統二年四月

卷二十三

宣統二年五月

卷二十四

宣統二年六月

卷二十五

宣統二年七月

卷二十六

宣統二年八月

卷二十七

宣統二年九月

卷二十八

宣統二年十月

卷二十九

宣統二年十一月

卷三十

宣統二年十二月

卷三十一

宣統三年正月

卷三十二

宣統三年二月

卷三十三

宣統三年三月

卷三十四

宣統三年四月

卷三十五

宣統三年五月

卷三十六

宣統三年六月

卷三十七

宣統三年閏六月

卷三十八

宣統三年七月

卷三十九

大正 宣統三年八月

卷四十

宣統三年九月

卷四十一

宣統三年十月

卷四十二

宣統三年十一月

卷四十三

宣統三年十二月

大清宣統政紀卷一

光緒三十四年戊申冬十月癸丑朔 癸酉酉刻

德宗景皇帝崩欽奉

慈禧端佑康頤昭豫莊誠壽恭欽獻崇熙皇太后懿旨攝政王載灃

之子御名著入承大統爲嗣皇帝 又欽奉

懿旨前因穆宗毅皇帝未有儲貳曾於同治十三年十二月初五日降旨大行皇帝生有皇子即承祧穆宗毅皇帝爲嗣現在大行皇帝龍馭上賓亦未有儲貳不得已以

攝政王載灃之子御名承嗣穆宗毅皇帝爲嗣並兼承大行皇

帝之祧現月 又欽奉

懿旨現值時事多艱嗣皇帝尙在沖齡正宜專心典學著

攝政王載灃爲監國所有軍國政事悉秉承予之訓示裁度施

行俟嗣皇帝年歲漸長學業有成再由嗣皇帝親裁政事現月

又欽奉

懿旨著派禮親王世鐸睿親王魁斌喀爾喀親王那彥圖奉恩鎮國公度支部尙書載澤大學士世續那桐外務部尙書袁世凱禮部尙書溥良內務府大臣繼祿增崇恭辦喪禮敬謹襄事

現月

大行皇帝詔曰朕自沖齡踐祚寅紹丕基荷蒙皇太后幃育仁慈恩勤教誨垂簾聽政宵旰憂勞嗣奉

懿旨命朕親裁大政欽承

列聖家法一以敬

天法

祖勤政愛民爲本三十四年中仰稟

慈訓日理萬幾勤求上理念時事之艱難折衷中外之治法輯和民教廣設學堂整頓軍政振興工商修訂法律預備立憲期與薄海臣庶共享昇平各直省遇有水旱偏灾凡疆臣請賑請蠲無不恩

施立沛本年順直東三省湖南湖北廣東福建等省先後被灾每
念吾民滿目瘡痍難安寢饋朕躬氣血素弱自去年秋間不豫醫
治至今而胸滿胃逆腰痛腿軟氣壅咳喘諸證環生迭起日以增
劇陰陽俱虧以致彌留不起豈非天乎顧念神器至重亟宜傳付
得人茲欽奉

慈禧端佑康頤昭豫莊誠壽恭欽獻崇熙皇太后懿旨攝政王載灃
之子御名入承大統爲嗣皇帝在嗣皇帝仁孝聰明必能仰慰

慈懷欽承付託憂勤惕厲永固邦基爾京外文武臣工其精白乃心
破除積習恪遵前次諭旨各按逐年籌備事宜切實辦理庶幾九
年以後頒布立憲克終朕未竟之志在天之靈藉稍慰焉喪服仍
依舊制二十七日而除布告天下咸使聞知
現月諭內閣本月二
十一日酉刻

大行皇帝龍馭上賓朕欽奉

慈禧端佑康頤昭豫莊誠壽恭欽獻崇熙太皇太后懿旨入承大統
搶地呼天攀號莫及伏念

大行皇帝御宇三十有四年祇承

家法上秉

慈謨惕厲憂勤無日不以敬

天法

祖勤政愛民爲念簡任親賢變法圖強維新政治中外望風凡有血
氣者罔不悲哀感戀出於至誠朕之泣血椎心尙忍言乎惟思
付託至重責任藐躬尙賴內外文武大小臣工共矢公忠弼予郅治
各直省督撫務當撫輯斯民整頓吏治以仰慰

大行皇帝在天之靈朕實有厚望焉至喪服之制欽奉

大行皇帝遺詔令依舊制二十七日而除朕心實有不忍仍當恪遵
古制敬行三年之喪庶幾稍盡哀慕之忱至於

郊

廟祭祀大典自不應因大喪而稍略其禮其應如何遣官恭代及親詣行禮之處著各該衙門查照向例集議以聞其天下臣民應持服制仍照定例行將此通諭知之

現月

甲戌卯刻

太宗文皇帝誕辰遣官祭

奉先殿卯刻

上詣涵元殿恭視

大行皇帝小殮畢奉

大行皇帝靈駕奉安乾清宮西次間

上翦髮成服親王以下文武大臣官員俱成服各按位次齊集舉哀

上呼搶大慟嗣恭視

大行皇帝大殮畢奉安

梓宮於乾清宮正殿行殮奠禮

內記注

諭內閣朕欽奉

慈禧端祐康頤昭豫莊誠壽恭欽獻崇熙太皇太后懿旨現命

攝政王載灃監國所有應行禮節著內閣各部院會議具奏

現月

又諭朕欽奉

太皇太后懿旨昨經降旨特命

攝政王爲監國所有軍國政事悉秉承予之訓示裁度施行現予病勢危篤恐將不起嗣後軍國政事均由

攝政王裁定遇有重大事件必須請皇太后懿旨者由

攝政王隨時面請施行

現月

又諭朕繼承大統

聖祖母慈禧端佑康頤昭豫莊誠壽恭欽獻崇熙皇太后應尊爲

太皇太后兼祧

母后皇后應尊爲

皇太后所有應行典禮著該衙門敬謹查例具奏

現月

又諭同治十

大統三年

穆宗毅皇帝大事

大行皇帝曾遵成例停止各省將軍督撫提鎮藩臬及鹽關織造等

來京叩謁

梓宮今

大行皇帝升遐其各直省將軍督撫都統副都統提鎮城守尉並西

文北兩路將軍大臣暨藩學臬鹽關織造等均不必奏請來京叩

謁

梓宮致曠職守各該員等惟當竭誠盡職以期無負委任不在末節

虛文也將此通諭知之

現月

又諭道光二十六年三月

宣宗成皇帝特降

諭旨以二名不偏諱將來繼體承緒者上一字仍舊毋庸改避亦毋

庸缺筆其下一字應如何缺筆之處臨時酌定以是著爲令典